



Pou Piblikasyon Imedya: 18/07/2022

GOUVÈNÈ KATHY HOCHUL

**GOUVÈNÈ HOCHUL ANONSE 5 MILYON DOLA FINANMAN POU SIPÒTE  
LANSMAN NOUVO PWOGGRAM AKREDITASYON KANABIS KI DEJA EGZISTE YO**

*Kolèj kominotè SUNY ak CUNY pral ede Nouyòkè yo fòme ak sekirite karyè nan  
endistri kanabis la*

Gouvènè Kathy Hochul te anonse jodi a kolèj kominotè SUNY ak CUNY pral resevwa 5 milyon dola nan finansman pou sipòte kreyasyon oswa amelyore pwogram akreditasyon a akoutèm oswa ofrann kou ki ofri chemen anplwa nan endistri kanabis la. Finansman an sipòte pwogram ki pral kreye oswa amelyore kou ak pwogram ki pa elijib pou diplòm ak sa ki elijib pou diplòm, akreditasyon ki ka kimile, ak/oswa mikro-akreditasyon ki rapidman adrese bezwen konpetans anplwayè lokal yo nan sektè kanabis la, [yon endistri ki gen plizyè milya dola dè dizèn milye travay](#). Kanpis yo chwazi yo dwe fè patenarya tou ak anplwayè lokal yo nan endistri kanabis la epi resevwa opinyon yo sou devlopman kourikoulòm.

"Nouvo endistri Cannabis New York la ap kreye opòtinite enteresan, epi n ap asire Nouyòkè ki vle karyè nan sektè k ap grandi sa a gen bon jan fòmasyon yo bezwen pou yo reyisi", **Gouvènè Kathy Hochul te deklare**. "Divèsite ak enklizyon se sa ki fè mendèv New York la yon avantaj konpetitif, ki pwisan, epi nou pral kontinye franchi etap konkrè pou ede asire tout moun gen opòtinite pou yo patisipe nan endistri kanabis la."

"Pandan n ap travay pou mete endistri kanabis nou an fonksyon nan Eta New York, nou dwe asire nou gen yon mendèv ki byen fòme ak yon chemen pou opòtinite travay", **Gouvènè Adjwen Delgado te deklare**. "Finansman sa a pral asire ke SUNY ak CUNY ka kreye nouvo pwogram oswa amelyore pwogram ki egziste deja ki vize travay nan endistri kanabis la."

Pwogram akreditasyon kanabis sa a an akò ak angajman kontinyèl Gouvènè Hochul pou bay Nouyòkè yo nouvo opòtinite travay, espesyalman sila yo ki soti nan kominote istorikman defavorize yo, pandan y ap bay anplwayè lokal yo yon rezèv talan ki gen anpil konpetans, ki soti nan nivo lokal. Kolèj yo pral sèvi kandida ekite sosyal yo jan Biwo Jesyon Kanabis (Office of Cannabis Management) la defini nan kominote lokal pa yo.

Yo te fè rekonpans sou yon baz konpetitif nan sistèm SUNY ak CUNY an, ak plizyè kanpis ki fè patenarya ak yon sèl kolèj ki asime wòl prensipal la.

### Twa kanpis SUNY yo chwazi yo ki pral resevwa 1 milyon dola yo chak la se:

- **Schenectady County Community College:** sèvi kòm kanpis prensipal ak patnè Adirondack Community College, Columbia-Greene Community College, ak Fulton-Montgomery Community College. Yo estime li genyen plis pase 300 patisipan.
- **Niagara County Community College:** sèvi kòm kanpis prensipal ak patnè Erie Community College, Genesee Community College, ak Jamestown Community College. Yo estime li genyen plis pase 4,000 patisipan.
- **Orange County Community College:** sèvi kòm kanpis prensipal ak patnè Dutchess Community College, Rockland Community College, Sullivan County Community College, Ulster County Community College, ak Westchester Community College. Yo estime li genyen plis pase 200 patisipan.

### Kanpis CUNY yo chwazi a ki pral resevwa 2 milyon dola se:

- **Borough of Manhattan Community College:** sèvi kòm kanpis prensipal ak patnè Lehman College. Yo estime li genyen plis pase 360 patisipan.

Anplis de sa, Depatman Travay Eta New York (New York State Department of Labor, NYSDOL) ak Biwo Jesyon Kanabis la pral sipòte efò pou elajì opòtinité aprantisaj yo lè yo ede konekte biznis ak moun k ap chèche travay yo ak pwogram fòmasyon esansyèl sa yo. Lè yo fini, Depatman an pral ede kandida yo ranpli rezime yo, prepare yo pou entèvyou travay yo epi bay enfòmasyon rejyonal yo.

Chak kanpis oswa konsòsyòm kanpis yo akòde yo pral sipòte pa fon pou antrepriz demaraj pou yon peryòd twazan.

**Komisè Depatman Travay Eta New York la, Roberta Reardon, te deklare,** "Lè nou envesti nan bon jan kalite pwogram akreditasyon nan kanpis SUNY ak CUNY yo, n ap ekipe Nouyòkè yo pou yo atenn objektif karyè yo. Sa a se yon viktwa pou anplwayè kanabis yo ak yon viktwa pou travayè yo k ap chèche antre nan karyè ki gen anpil demand yo ak potansyèl ki pa eksplwate nan Eta New York."

**Prezidan Konsèy pou Kontwòl Kanabis la, Tremaine Wright. te deklare,** "Tremaine Wright te deklare, Mwen rekonesan anvè Gouvènè Hochul ak patnè nou yo nan kolèj kominotè SUNY ak CUNY yo paske yo devlope pwogram ki pral ede devlope yon endistri kanabis New York ki divèsifye, ekitab ak aksesib. "Pandan endistri kanabis nou an ap grandi, se konsa bezwen nou an pou travayè kalifye yo ap grandi tou, e sa se yon bèl fason pou kreye opòtinité pou Nouyòkè yo."

**Chanselye Pwovizwa SUNY an, Deborah F. Stanley, te deklare**, "SUNY edike ak fòme elèv yo non sèlman pou prepare yo pou mendèv jodi a, men pou fè yo lidè nan mendèv demen an. Pwogram akreditasyon kanaabis sa a se yon nouvo domèn etid enteresan pou moun k ap chèche yon avantaj konpetitif lè y ap aplike pou karyè nan dispansè, laboratwa kilti, oswa lavant CBD ak THC. Nou remèsye Gouvènè Hochul pou envestisman kontinyèl li nan etidyan nou yo ak nan avni ekonomi Eta New York la."

**Rektè CUNY an, Félix V. Matos Rodríguez te deklare**, "CUNY fyè dèské li plase devan liy lan pou kreye kou ak pwogram diplòm inovan ki pozisyone etidyan nou yo pou yo pwofite opòtinite endistri kanabis la k ap pran nesans lan prezante. Nou remèsye Gouvènè Hochul paske li kontinye ouvri nouvo opòtinite pou etidyan CUNY yo pouswiv karyè nan domè modèn, epi paske li asire divèsite ak ekite mendèv New York la."

**Direktè Egzekitif Biwo Jesyon Kanabis Ia, Chris Alexander, te deklare**, "Kanabis legal nan New York vle di opòtinite kanabis pou Nouyòkè yo. Se bèl bagay pou wè kolèj kominotè yo atravè sistèm SUNY ak CUNY yo ede elèv yo devlope ladrès ki nesesè pou yo vin jwè nan endistri k ap grandi sa a. Sa a se yon etap ekselan pou ede endistri kanabis New York la grandi."

Gouvènè Hochul ap agrandi aksè ak edikasyon siperyè pandan I ap ogmante opòtinite pou travay. Apwòch inovatè tankou pèmèt Pwogram Asistans pou Ekolaj la kouvi etidyan ki enskri nan sis kredi etid oswa plis nan yon kolèj SUNY, CUNY, oswa yon kolèj endepandan san bi likratif - yon envestisman ki estime bay sipò pou 75,000 lòt etidyan New York chak ane. Pèmèt lajan sa yo itilize tou pou pwogram akreditasyon ak sètifikasi yo.

###